



Maria Walliser (san.), l'antierura skiunza internaziunala cun Binia Feltscher, la campionesa mundiala e d'Europa da curling.



La deputada Gabriela Tomaschett, sia figlia Corina Tomaschett e la deputada Christina Bucher-Brini (da san.).



Adrian Steiger (san.), il president communal da Flem cun Gaudenz Bavier, il president dall'Uniun grischuna da skis.



Er da la partida tar la vernissascha a Laax: Martin Candinas, cusseglier naziunal, Thierry Jeanneret, Grischun Sport e Hubert Tomaschett, Federaziun grischuna dal sport da tir (da san.).



Tranter la prominenza tar la vernissascha er Reto Gurtner e sia dunna Gisela Gurtner.



Fluras da Hanspeter Lebrument per Binia Feltscher.

FOTOS G. N. STGIER

Noss sport multifar en pled e maletg

L'emprim cudesch da sport grischun è cumpari

DA GION NUTEGN STGIER / ANR

■ En in onn han numerusas sportistas ed intgins sportists da noss chantun success e scrivan bunamain istorgia. Auters èn sin la dretga via da daventar in di gronds e detg blers emprovan adumbatten d'avair success. Tuts quels aspects cuntogna l'emprima ediziun dal cudesch da sport grischun. Ina societad illustra da sportists actuals, anteriurs sportists, blera prominenza da la politica e numerusas persunas da l'economia è s'entupada a Laax per assister a la vernissascha da l'annuari da sport grischun 2014. En pled e maletg cuntogna quel sin 272 paginas ils gronds success da noss sportists e da nossas sportistas, saja quai sin champ naziunal sco er sin champ internaziunal. Cun sfegliar en il cudesch vegn mintgin conscient da la multifariadad dal sport en noss chantun e cunzunt er dal dumber da las associaziuns da sport che nus avain en il Grischun. Total avain nus en noss chantun tuttina 44 associaziuns da sport, pli pitschnas e pli grondas, dentant tuttas cun ina funcziun impurtanta. In plaz en l'annuari da sport grischun 2014 han er survegnì ils campions grischuns e las campionesas grischunas e quai da tut las disciplinas. Il cudesch è er ina buna plattform per preschentar a la publicitad las associaziuns da sport main enconuscentas e lura er las scolas da sport en noss chantun che gudognan adina dapli a muntada. Tut en tut ina ediziun che fa plaschair da leger e che conferma



Moderatura da la saira è stada Gianna Meier.

che noss sportists e nossas sportistas tegnan en tuttas modas e manieras pitg a la concorrenza naziunala ed internaziunala.

Remo Cavegn è il «bab» dal cudesch

Dapi intgins onns è Remo Cavegn da Pannaduz president da l'Associaziun grischuna da sport. El è er stà l'iniziant da l'annuari da sport grischun 2014 e sia idea ha chattà blera suatientscha tar ils commembers da supranza da l'associaziun. Intgantà da sia idea è lura er stà Hanspeter Lebrument, l'editor da la Somedia e cunzunt er intgins da ses collavurats. Com-

munabel han els realisà cun plaschair, cun Remo Cavegn, l'autur Waldemar Hartmann e la redactura Anita Fuchs, l'emprim cudesch da sport grischun. In product ch'è bler dapli che be in lexicon, na en pliras modas in cudesch interessant ed instructiv ch'animescha da dar in tgit.

In ulteriur term

Cusseglier guvernativ e minister da sport Martin Jäger ha ditg che nossas sportistas e noss sportists hajan festivà quest onn intgins success e mess terms cun lur prestaziuns sportivas. Cun la preschentanza ed ediziun da l'annuari da sport grischun 2014 concluda quel onn da success cun in ulteriur term. Ch'il Grischun haja edì sco emprim chantun in annuari da sport saja segir nagina casualitad, ha ditg Martin Jäger. En noss chantun saja il sport ina part integrala dal surasenn da sazez e vers anora. En cumbinaziun cun il Grischun stettia tar ils plis er il sport, betg mo pervia da las numerusas e cunzunt er vastas purschidas sco skis, bike, viandar, na er pervia dals blers success da nossas sportistas e da noss sportists. Hanspeter Lebrument ha ditg che sportistas e sportists dal Grischun sajan er buns ambadors per noss chantun. L'editor da la Somedia ha cunzunt er fatg attent a la vart economica dal sport che saja oz adina dapli in tema impurtant.

Bündner Sport-Jahrbuch 2014, 272 paginas, 45 francs, da retrair en tut las librerias ubain Somedia Buchverlag, 055 645 28 63, www.somedia.buchverlag.ch



Dus anteriurs lutgaders cun il schef da missiun svizzer a Sotschi: Stefan Fausch, Gian Gilli ed Edi Philipp (da san.).